

IIB MA GALE

FAAFINTA RASMIGA AH

الرسمية



الجريدة

Sannadka 13aad Muqdisho 2 Luulyo 1985 L. 7

JAMHUURIYADDA DIMOQRADIIGA SOOMAALIYA

لجمهورية الصومال الديمقراطية

FAAFINTA BIL AOO BAXA

جريدة شهرية

QIIMADU: waa 5 shilin lambar waliba — **RUKUNKA:** Sana-dii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOOWAAD

SHARCI

- SHARCI L. 12 ee 16 Juun 1985, U rogid
Sharci, Xeerka L. 1 ee 1da Maajo 1985,
Madaxbannaaneynta Mira Beeraha. Bog; 413
- SHARCI L. 13 ee 16 Juun 1985, U rogid
Sharci Xeerka Sharci L. 2 ee 1da Maa-
jo 1985, Wax ka beddelidda Canshuur-
ta Furdooyinka. » 414
- SHARCI L. 14 ee 16 Juun 1985, Oggolaan-
sho Heshiis Ganacsi oo dhexmaray
J.D.S. iyo Jamhuuriyadda Kenya. » 415

Wakaaladda Madbacadda Qaranka

QAYBTA

LABAAD

XEER

— 448 —

XEER MADAXWEYNAHA J.D.S. L. 27 ee 30 Juunyo

1985 Abuurid Kuliyaad Takhasus iyo Cilmi Baaris
Madaxweyne

MADAXWEYNAHA JDS

— Asagoo Arkay qod. 82 ee DaDstuurka.

— Asagoo Arkay Sharciga JUS ee lam. yahay 72

— *Asagoo Arkay qod. 82 ee DaDstuurka.* —
uuro Kulliyad Jaamacadda ka abaabusha barnaami
jiyo Takhasus lagana bixiyo shahaadooyin Sare iyo
Dibloomooyin Takhasus.

— Markii uu tixgeliyey ra'yiga Guddiga Sare ee JUS.

WUXUU SOO SAARAYAA: Xeerka Soo Socda.—

Qodobka 1aad

Abuurista Kulliyadda Takhasuska iyo Cilmi Baarista

Waxaa la abuuray Kulliyad lagu magacaabo «Kulliyadda Takhasuska iyo Cilmi Baarista» ee ka mid noqoneysa Kulliyadaha Jaamacadda Ummadda Soomaaliyeed.

Qodobka 2aad

UJEEDDOOYINKA

Ujeedooyinka loo abuuray Kulliyadda ku xusan qod. 1aad ee Xeerkan waa kuwa soo socda.

— Inay dejiso, hirgeliso barnaamijyada Takhasusaadka kala duwan ee JUS ee lagu qaadanaayo Shahaadoolyinka Jaamacadda ee heerka 2aad (Masterate level) iyo heerka 3aad (Ph.D. Level) iyo Diploomooyinka Takhasuska (Post Graduate Dip.)

— Inay abuurto (ama kuwe jira la kaashato) xarumo ama kooxo Cilmi Baaris ee gacan ka geysta fulinta si yaasadda Jaamacadda Ummadda ee la xiriirta Takhasuska iyo Cilmi Baarista.

Xarumahaasi ama kooxahaasi waxay hoos imaana yaan ama ka baxsanaan karaan Jaam. U. Soomaaliyeed.

— Inay la socoto, talana ka bixiso barnaamijyada Takh

ama wax ku barta Jaamacadaha Dibadda.

- Inay hormariso Tacliinta Sare iyo Cilmi Baarista Jaamacadda iyadoo waafajineysa himilooyinka horumararka Q.

Qodobka 3aad

Wax allaale wixii ku saasan Cilmi Baarista, Kulliyadda waxay la kaashan doontaa akadeemiyada Cilmiga Fanka iyo Suugaanta iyadoo la dhowrayo Siyaasadda Guud ee u degsan hay'addaas.

Qodobka 4aad

Muddada Takhsuska

Muddada uu socon doono barnaamijjka Takhasuska waa sida hoos ku xusan

- Barnaamijka loogu tala galay shahaadada heerka 2aad (Masterate) in lagu qaato wuxuu noqon doonaa ugu yaraan laba sano tacliineed oo ka dambeysa shahaadada heerka 1aad.

(Masterate) in lagu qaato wuxuu noqon doonaa ugu yaraan laba sano tacliineed oo ka dambeysa shahaadada heerka 1aad.

- Barnaamijka loogu tala galay in lagu qaato shahaadada heerka 3aad (Ph.D.) wuxuu socon doonaa ugu yaraan 3 sano tacliimeed oo ka dambeyn shahaadada heerka 2aad (Masterate).

- Barnaamijka loogu tala galay Dibloommmka Takhasuska (Post Graduate) wuxuu socon doonaa ugu yaraan hal sano tacliimed kaddib qaadashada shahaadada heerka koowaad.

Qodobka 5aad

Shuruudaha qaadashada ardayda Takhasuska

Barnaamijka Takhasuska waxaa isku qori kara arday kasta oo buuxiya shuruudaha soo socda:-

- Inuu haysto shahaadada heerka 1aad ee ay bixisay Jaamacadda Ummadda ama Jaamacad kale oo la aqoonsanyahay una dhiganta shahaadada h/ka 1aad
- In darajada uu ku haysto shahaadadiisa aysan ka ya

raan heerka «fiican» oo ku xusan qod. 26 ee Jaamacaadda Ummadda (Xeer lam. 93).

— Waa inuu ka gudbaa Imtixaan habsiimo ah, haddii loo baahdo.

Qodobka 6aad

Barnaamijka Takhasuska

Barnaamijka Takhasuska kasta waxaa dejiin doona, si wada jir ah, Kulliyadda Takhasuska iyo Cilmi Baaris ta iyo Kulliyadda ku shaqada leh. Cilmigaga lagu soo Takhasusaayo.

Barnaamijkaas waxa la fulin karaa markii uu oggolaado Guddiga Sare ee Jaam. Ummadda Soomaaliyeed.

Qodobka 7aad

Si loo qaato shahaado ama Diblooma Takhasus, waa in ardaygu fuliyo shuruudaha soo socda:

b) In uu qaato ugu yaraan labo xilli waxbarasho duruus heer Takhasus ah, kuna gudbo imtixaanada Takhasuska (celcelis ahaan) ugu yaraan derejada «fiican» ee ku xusan qod. 25 ee xeerka JUS (xeer lam. 93) marka uu qaadanaayo shahaadada heerka 2aad (masterate) ama Diblooma takhasus, marka uu doonayo in uu qaato shahaadada heerka 3aad (Ph.D.) waxaa laga doonayaa 3 xilli waxbarasho lagu qaadanaayo duruus heer takhasus ah, kuna gudbo imtixaanka duruusta marka la isku celceliyo derejka «fiican».

t) Duruusta iyo Imtixaanaadka ka sokow ardayga qaadanaayo shahaadooyinka heerka labaad ama saddexaad waxaa laga doonayaa in uu sameeyo shay Cilmi Baaris ku dhamaato qoraal Tesi, uuna ku guuleysto difaaceeda.

j) Ardayga qaadanaya shahaadada heerka 3aad (Ph.D.) waxaa laga doonayaa in uu gudbo imtixaanaadka ka sokow imtixaan af qalaad ee aan ahayn kan u teesigiisa ku qoray.—

Qodobka 8aad

Xubnaha Sare ee Kulliyadda

Xubnaha Sare ee Kulliyadda Takhasuska iyo Cilmi Baarista waxa ay ka kooban yihiin Guddiga Kulliyadda iyo Bartan Xigeenka JUS.

Qodobka 9aad

Xubnaha Guddiga Kulliyadda

- Rektor Xigeenka J.U.S. Guddoomiye
- Hormuudiyada Kulliyadaha ee leh barnaamijyo takhasus — Xubin
- Labo ka mid ah madaxda Xarumaha C. Baarista aan Jaamacadda Ummadda ka tirsan — Xubin
- Guddoomiyaha Akademiyada G.F. iyo S. — Xubin
- Guddoomiyaha Maktabada Qaranka — Xubin
- Buug Xannaaniyaha Jaam. Um. Soo/yeed — Xubin
- Xoghayaha Waxbarashada ee Kulliyadda — Xubin

Qodobka 10aad

Hawlaha Guddiga Kulliyadda

Guddiga Kulliyadda wuxuu yeelanayaa hawlaha soo socda.—

- Inuu hubiyo fulinta Siyaasadda Jaamacadda ee la xiriira Takhasusyada iyo Cilmi Baarista.
- Inuu talo ka soo jeediyo abuuridda barnaamijyada Takhasuska ee lagu qaadanayo shahaadooyinka ku xusan qod. 2aad ee Xeerkan.
- Inuu talo ka soo jeediyo abuuridda xarumo Cilmi B/s.
- Inuu wax ka bedelo ama dib u habeeyn ku sameeyo barnaamijyada Takhasusyada, isagoo tixgelinaya ta lada Macallimiinta ku hawlan waxbarashada.
- Inuu hubiyo fulitaanka mashaariicda Cilmi Baarista isagoo tixgelinaaya talada Guddiga Cilmi Baarista ee Jaamacadda Ummadda Soomaaliyeed.—
- Inuu dib u habeeyo nidaamka soo gelitaanka Kul/da.
- Inuu dhiirgeliyo isku duwana Cilmi Baarisyada Maa dooyinka kala duwan (Interdisciplinary) ee Wax/da.
- Inuu oggolaado Miisaaniyadda Kulliyadda.
- Inuu kala taliyo Rektor Xigeenka J.U.S. Arrin kasta oo la xiriirta habsami u socodsiinta hawlaha Kul/da
- Inuu u oggolaado isku qorid waxbarasho Takhasus

ama mid hore uga socday oo loo dhexeeyo ardayga. Ardada doonaya shahaado ama takhasus Sare iyadoo la raacayo xeerarka guddiga Sare ee ka tirsan ku soo Saaro.—

- Isagoo raacayo talada Kulliyadaha Takhasuska iyo Cilmi Baarista oo dhegeysatay talada Guddiyada ka khasuska iyo Cilmi Baarista, wuxuu magacaabayaa la-taliyayaal iyo imtixaanayaal takhasus Sare.
- Isagoo raacaya xeerka u degsan JUS wuxuu talo ku saabsan bixinta shahaadooyinka ama Diblomo takhasus u soo jeedinayaa Siyaasadda Guud ee la xiriirta xanaannaynta ardayga waxbarashada heerarka Sare ah sameynaya (Sida jiifka, raashinka, daawada IWM).—

Qodobka 11aad

Rektor Xigeenka J.U.S.

Rektor Xigeenka J.U.S. Ayaa noqonaya sarkaalka ugu sareeya maamulka iyo waxbarashada Kulliyadda, waxaanna kaalmeynaya madaxda Dugsiyada Takhasus qaybaha Kulliyadda ee takhasuska ka socda, iyo madaxda Xarumaha Cilmi Baarista.

Qodobka 12aad

Hawlaha Rektor Xigeenka J.U.S.

- Rektor Xigeenka JUS oo mas'uul uga noqonaya arrimaha Kulliyadda Guddiga Sare, isagoo hoos imana ya Rektorka JUS waxay guud ahaan hawlaha noqon nayan fulinta Siyaasadda Waxbarashada Takhasus yada, Cilmi Baarista lagu abuurayo kaadir haysta shahaadooyinka darajada 2aad iyo 3aad iyo Diblom takhasus ah, wuxuu u matalaya Kulliyadda hawl kasta.
- Wuxuu guddoominayaa shirarka Guddiga Kulliyadda guddiga qalin Jebinta la saxiixayaa Rektorka iyo Diiwaanayada shahaadooyinka ee Kulliyada bixiso.
- Wuxuu soo jeedinayaa magacaabidda macallimiinta, Cilmi Baarayaalka ku soo biiray Kulliyadda ama xarumaha waxbarashada iyo kuwa Cilmi Baarista isa

goo dhegeystay ama la tashaday Hormuudka Kulli
yadda takhasuskaasi khuseeyo ama madaxda xaru
maha Cilmi Baarista.

- Wuxuu ilaalinayaa maaliyadda Kulliyadda.
- Wuxuu mas'uul ka yahay dhowrista habsami u socod
siinta hawlaha Kulliyadda waafaqsan sharciga xeer
ka iyo nidaamka hoose.

Qodobka 13aad

Xubnaha Maamulka

Rektor Xigeenka JUS ka sokow, Kulliyadda waxay
yeelanaysaa xubnaha maamulka ee hoos ku tilmaaman

- Agaasimaha Maamulka Kulliyadda.
- Xoghayaha waxbarashada Kulliyadda ahna Diiwaan
iyaha Kulliyadda
- Kaaliyaha Agaasimaha Kulliyadda.
- Kaaliyaha Xoghayaha Kulliyadda

Qodobka 14aad

Dhaqan Gelin

Xeerkani wuxuu dhaqan gelayaa 15 maalmood ka
dib markii lagu soo saaro Faafinta Rasmiga ah.
Muqdisho, 30 Juun 1985

MADAXWEYNAHA J.D.S.

Maxamed Siyaad Barre